

## **Madurese - Erroh Paperrangan Alketab - SW Intro Scriptures**

**Lukas 17:5 Para rasul mator ka Guste Isa, "Guste, pakowattagi iman abdina."**

**Roma 10:17 Lantaran gapaneka reng-oreng laju parcaja polana mereng berta, ban oreng mereng berta polana badha oreng se aberta'agi parkara Almasih.**

**Lukas 11:1 E settong are Isa adu'a e settong kennengngan. Samarena, badha moredda se mator, "Guste, ngereng pona, abdina sakanca ka'dhinto' ajari adu'a akadi Yahya se morok red-moredda adu'a."**

**1 Timotiyus 2:1-4 Kapeng settong, sengko' menta'a kalaban gu-onggu sopaja parnyo'onan, sambajangan, ban du'a syafa'at sarta sokkorra ate se etojjuwagi ka Jehovah kaangguy sakabbiyanna oreng; 2 kaangguy to-rato ban sakabbiyanna oreng se neggu' kakobasa'an. Nyo'on sopaja kabbi eparengngana odhi' ayem ban taremtem kaagem ka Jehovah bi' kalakowan se patot. 3 Jareya se bagus ban se masenneng panggaliyanna Jehovah, Panyalamedda sengko' ban ba'na. 4 Jehovah kaagungan pangaterro sopaja sakabbiyanna oreng epasalamedda ban tao ka barang se bendher.**

**Lukas 22:31 "Simon, Simon, edhingngagi, ya! Iblis la eedine ngoji ba'na kabbi, akantha gandum epesa dhari kole'na sopaja se bagus epalaen dhari se juba'.**

**Zakharia 3:1,2 E dhalem pangaton se laen pole, PANGERAN noduwagi ka sengko' Imam Agung Yusak teppa'na ngadek e ajunanna malaekadda PANGERAN. E seddi'anna Yusak manjeng Setan se agugada salerana. 2 Malaekadda PANGERAN jareya adhabu ka Setan, "Mandar PANGERAN ngokoma ba'na, Setan! Mandar PANGERAN se nesor ka Yerusalim ngokoma ba'na. Oreng reya padha ban tomper se etaja' epakalower dhari apoy."**

**Yudas 1:9 Mikha'el dibi', se ngapalae kat-malaekat, ta' oneng kantha ganeka. E bakto atokar ban Iblis e dhalem apadu parkara pasera se ngaolleya jinazana Mosa, Mikha'el ta' bangal ahakime Iblis bi' ca'-oca' panyeya'an. Mikha'el pera' adhabu, "Ba'na bakal ebentaga Pangeran!"**

**Efesus 6:12 Sabab sampeyan sareng kaula sadaja aperrang ta' amoso manossa, nangeng amoso kakowadanna sadaja tan-setan se ngobasae se jahat paneka. Sampeyan sareng kaula sadaja amoso kakowadanna roh-erroh jahat se ngobasae langnge'.**

**Efesus 6:10,11 Dhi-budhina, kaula maemoda sampeyan sopaja sampeyan daddi kowat kalaban kakowadan se etarema sampeyan dhari Pangeran, polana sampeyan daddi settong sareng Salerana. 11 Agem sadajana pakakas perrang se eparengngagi Jehovah ka sampeyan, sopaja sampeyan bisa kowat ngadhebbi akkalla Iblis se juba'.**

**Efesus 6:13-17 Daddi, samangken tore agem sadajana pakakas perrangnga Jehovah, sopaja e are se jahat sampeyan sanggup ngadhebbi sadajana**

serranganna moso. Ban sopaja saamponna sampeyan aperrang sampe' ka aherra, sampeyan gi' paggun gaga' parjuga. 14 Sampeyan kodu asadhiya ros-terrosan. Agem kaestowanna sampeyan ka Jehovah menangka sabbu', ban kaberseyanna ate menangka kalambi besse. 15 Kaehlasanna ate kaangguy aberta'agi Kabar Bagus se madhateng kataremtemman badhi sapatuna sampeyan. 16 Salanjangnga agem kaparcaja'anna sampeyan ka Pangeran menangka sanjata panangkes; kalaban iman ganeka sampeyan bisa mate'e sadajana pana se rabbang dhari se jahat. 17 Agem kasalameddan menangka topi baja, ban dhabuna Jehovah menangka peddhang dhari Errohna Jehovah.

Ibrani 4:12 Dhabuna Jehovah paneka dhabu se odhi' ban kowat, atajemman dhari peddhang se amata dhuwa'. Dhabu ganeka nyoddu' kantos ka bates e antarana sokma sareng erroh; sampe' ka bates e antarana so-resowan ban lang-tolangnga somsom, kantos oneng salem-dhalemma ka pekkeran ban neyadda manossa.

Lukas 4:8 Dhabuna Isa, "E dhalem Alketab esebbutagi, 'Semba Guste Jehovahna ban abakte ka Salerana malolo.' "

Efesus 6:18 Lakone ganeka sadaja sambu adu'a nyo'on partolongan dhari Jehovah. E saneyap kasempadan, adu'a akadi se etonton sareng Errohna Jehovah. Sampeyan kodu asadhiya terros ban ja' atellok. Terros ja' ambu adu'a kaangguy sadajana ommadda Jehovah.

1 Samuwel 17:45-47 Daud nyaot, "Ba'na ngadhebbi sengko' ngeba peddhang, tombak ban lembing, tape sengko' ngadhebbana ba'na kalaban asmana PANGERAN Se Mahakobasa, Jehovahna tantara Isra'il se bi' ba'na eya-seya. 46 E are teya ba'na bi' PANGERAN la epassra'agi ka sengko'; bi' sengko' ba'na epakala'a, eketthoga le'erra. Badanna ba'na ban badanna sakabbinna tantara Filistin bi' sengko' ebagiya ka no'-mano' sarta ban-keban me' olle ekakan epatadha'. Daddi oreng sadunnya bakal taowa ja' bangsa Isra'il andhi' Jehovah se esemba, 47 ban sakabbinna oreng se badha e dhinna' reya bakal taowa ja' PANGERAN ta' marlowagi peddhang otaba tombak mon masalamedda ommadda. PANGERAN se nantowagi jalanna perrang reya, ban se bakal massra'agiya ba'na ka tantarana tang bangsa."

Lukas 10:17-20 Red-moredda Isa se pettong polo oreng rowa la abali ce' peragga. "Guste," ca'na atorra, "roh-erroh jahat jungan atoro' manabi abdina sadaja apareng parenta ka roh-erroh jahat gapaneka kalaban asmana Panjennengngan!" 18 Dhabuna Isa, "Sengko' nangale'e Iblis gaggar dhari langnge' akantha dhap-keddhap. 19 Ba'na ebala'ana, ya! Bi' Sengko' ba'na la eberri'i kobasa sopaja ba'na bisa'a nedda' olar ban kalajengking sarta motel kakowadanna moso ta' kalaban badha apa'a bai se bisa macalaka' ba'na. 20 Tape ja' perak polana roh-erroh jahat atoro' ka oca'na ba'na. Lebbi bagus ba'na perak polana nyamana badha la ecathet e sowarga."

**2 Korintus 10:3-5** Kaula sadaja pajat gi' odhi' e dunnya, nangeng kaula sadaja ta' aperranga adhasar tojjuan se duniyawi. **4** Ta-sanjata se eguna'agi kaula sadaja e dhalem paperrangan paneka banne sanjata dhari dunnya paneka, nangeng ta-sanjatana Jehovah se kobasa. Kalaban ta-sanjata ganeka kaula sadaja maancor partahanan-partahanan; kaula sadaja nangkes reng-oreng se alaban ka kaula sadaja **5** ban magujur teng-bintang kasombongan se epaddek kaangguy nolak pangataowan parkara Jehovah. Kaula sadaja nawan pekkeranna reng-oreng epatellok ka Almasih.

**Matius 16:19** Bi' Sengko' ba'na eberri'ana koncina Dunnyana Jehovah Se Anyar. Apa se elarang ba'na e bume, elarang keya e sowarga. Ban apa se ebendherragi bi' ba'na e bume, ebendherragi keya e sowarga."

**2 Timotius 1:7** Sabab Erroh se eparengngagi Jehovah ka sengko' ban ba'na banne Erroh se agabay oreng daddi tako'an. Sabaligga Erroh jareya makowat sengko' ban ba'na, sengko' ban ba'na epapossa' ban kataresna'an sarta epakowat ngampet napso.

**Matius 12:28,29** Tape Sengko' ngojuk erroh jahat ngangguy kobasana Errohna Jehovah. Ban jareya andhi' arte ja' Jehovah la molae marenta e nga'-tengnga'anna ba'na kabbi. **29** Tadha' oreng se bisa maso' ka dhalem bengkona oreng se kowat kaangguy arampasa dhi'-andhi'na mon oreng se kowat jareya ta' etale'e gallu. Mon la mare etale'e, buru ekeneng rampas dhi'-andhi'na.

**Efesus 1:13** Sampeyan jagan daddi ommadda Jehovah e bakto meyarsa senpessenna Jehovah se lerres, enggi paneka Kabar Bagus se madhateng kasalameddan ka sampeyan. Sampeyan parcaja ka Almasih, daddi sareng Jehovah sampeyan epareng tandha se noduwagi ja' sampeyan paneka kaagunganna Jehovah, enggi paneka Errohepon se ampon ejanjiyagi.

**Caretana Para Rasul 19:6** Paulus nompangngagi astana e attassa reng-oreng jareya, ban e bakto jareya Errohna Jehovah toron ka reng-oreng jareya, ban reng-oreng jareya laju acaca ngangguy ca'-oca' se ane sarta notorragi berta dhari Jehovah.

**Markus 16:15-18** Isa pas adhabu ka red-moredda jareya, "Kassa' ba'na entar ka saantero dunnya ban pabalattra Kabar Bagus dhari Jehovah rowa ka sakabbiyanna ommat manossa. **16** Oreng se ta' parcaja bakal eokoma. Tape oreng se parcaja ban ebaptis, bakal salamedda. **17** Menangka bukte ja' parcaja, reng-oreng jareya bakal ngojuga erroh jahat bit Tang nyama; reng-oreng jareya bakal acaca'a ngangguy sa-basa se gi' ta' ekataowe bi' reng-oreng jareya dibi'. **18** Mon neggu' olar otabana ngenom racon, reng-oreng jareya ta' kera calaka'. Mon reng-oreng jareya nompangngagi tanangnga ka attassa reng-oreng se sake', se sake' jareya bakal barasa."

**1 Yahya 1:9** Nangeng mon sampeyan ngakone sa-dusana ka Jehovah, Jehovah tanto neptebbi janjina sareng alampa'agi ponapa se adil. Salerana tanto nyapora sa-dusana sampeyan, sareng maberse sampeyan dhari sadajana

**kasala'anna.**

**Kalowaran 20:5** Ja' nyemba otaba abakte ka ca-arca jareya, sabab Sengko' reya **PANGERAN**, Jehovahna ba'na, ban Sengko' ta' endha' epapadha ban apa'a bai. Reng-oreng se baji' ka Sengko' bi' Sengko' eekom sampe' toronan se kapeng tello' ban empa'.

**Jabur 109:17** Oreng gapaneka dujan abasto; moga ekennenga basto dibi'! Ta' poron apareng berkat, moga ta' onenga narema berkat dibi'!

**Yakobus 3:10** Dhari colo' se settong kalowar ca'-oca' asakalangkong nangeng jugan ca'-oca' babaston. Masthena ta' sapaneka!

**Hakimma - Kim-Hakim 16:16** Delila ros-terrosan nge'-ngare'nge' maksa atanya, sampe' Simson busen ngedhingngagi.

**2 Petrus 2:7,8** Tape Lot epasalamet, polana atoro' ka kasokanna Jehovah; Lot nyandhang sangsara se berra' lantaran tengkana reng-oreng se bejjat. **8** E nga'-tengnga'anna oreng se kadi ganeka, Lot se sae ganeka odhi' kalaban baten taseksa lantaran re-saarena nengale sareng meyarsa tengkana reng-oreng se jahat ganeka.

**Efesus 4:26** Mon sampeyan peggel, ja' sampe' sampeyan dusa polana kapeggellanna ganeka. Ja' ros-terrosan peggel saare benteng,

**Roma 14:12** Daddi sampeyan sareng kaula sadaja kodu nanggung jawab lalakonna bang-sebang ka Jehovah.

**1 Yahya 2:23** Oreng se ta' ngakone Pottra artena ta' narema Rama jugan. Ban oreng se ngakone Pottra, artena jugan narema Rama.

**Yahya 14:6** Dhabuna Isa, "Sengko' reya jalan mon terro kennala ka Jehovah ban terro olleya kaodhi'an. Tadha' oreng se bisa entar ka Rama mon ta' lebat Sengko'.

**Matiyus 11:28-30** Mara nyander ka Sengko' ba'na kabbi se lesso, sarta nanggung berra'na odhi'; bi' Sengko' ba'na epaseggerra. **29** Mara toro' Tang parenta ban ajar dhari Sengko'. Sabab Sengko' reya alos ban andhap asor, daddi ba'na bakal arassa'a segger. **30** Sabab Tang ta-parenta masenneng, ban kasossa'an se bi' Sengko' epekollagi ka ba'na dhammang."

**2 Korintus 6:2** E dhalem Alketab Jehovah adhabu, "E baktu se kaedin, Sengko' la ngedhingngagi ba'na, ban e are kasalameddan, Sengko' nolong ba'na." Samangken kaemodi! Samangken paneka are se kaedin ganeka! Samangken paneka are kaangguy epasalamet!

**Roma 10:13** E dhalem Alketab esebbuttagi sapaneka, "Pa'-sapa'a se aserro ka Pangeran, bakal salamedda."